

Feb 9  
w. 88



R. 4  
319











# DOMINI ANTONII DE PERALTA

de Nauarra, Iuris Vtriusque Doctoris & Iuris Ciuilibis Salmanticae publici Professoris.



AD IULIANI IVRECONSULTI Responsum in l. Qui usus fructum. ff. de verborum obligationibus.

IN PETITIONE PERPETVAE  
Cathedrae Digesti noui.




Cum licentia Ordinarij.

SALMANTICAE,

Excudebat Cornelius Bonardus.



✠ A D M O D V M I L L V.  
tribus & charissimis discipu-  
lis. Salutem.



**P** O S T tot labores, post tot lucubrationes in iure passus, post tot Bartoli repetitiones, quas & praevidi & praelegi, post tot eiusdem Bartoli difficillimas & intricabiles re-assumptiones, quas & perfecte percallui & mente infixas & repositas habeo, post decem annos continuos, quibus Salmantica & Compostela ius civile Romanorum publice interpretatus sum à condiscipulis meis, cum quibus semel audiui vicissim disputavi, contuli sermones continuos: excludi à domo propria alienam inquirere res est sanè miseratione digna. Quid æquius decreuerunt praetores, quam possessores manuteneri, qua de causa arcebant & repellebant inuasores animaduertentes in ipsos nihil. Sanè diuidui & indiuidui inextricabilem tractatam possessori, & petitori iudicij communionem, seu discrimen, nec non vtriusq; cumulum dispersas Iuris ciuilis moras, & alias Digestinoui materias quæ magis metaphysicam quam mores sapiunt à me publice interpretandas & docendas superioribus diebus tradidisti: in quo munere rapida nostri prædecessoris mors me occupatum reperit. Nunc vbi de lucro de maiori tantum stipendio agitur me excludere, postponere me condiscipulis meis iniquum est, magistris cedere tolerabile, condiscipulis lugubre & triste. Misere mini mei, misere mini mei iudices integerrimi post alias & alias victrices laureas à quo & pio animo causam discernite: & quia bonus iudex secundum allegata & probata sententiam profert communis pro nunc allegatio sit. l. qui vsum fructum. ff. de verb. oblig. quam ab omnibus legendam mater academia tradidit, ut inde ingenij, eruditionis perspicuitatis fieret specimen. Lecturam nostram, cum his, quæ Illustres domini Doctores circa interpretationem prædictæ legis adduxerunt conferte: lynceis perpendite oculis. Quod, si labor noster, ingenij perspicuitas & facilitas, Bartoli communis præceptoris cognitio summa quidquam probant edite possessoria interdicta, & cum ego de possessione retinenda tractem, uti possidebam, ita possideam. Vos & bene valentes & ad cœlestia anhelantes seruet diuina illa largitas diutissimè, & prouebat. Valete.



# IVLIANVS LIBRO quingagesimo quarto Digestorum.



**Q**UOD V I vsumfructum fundi stipulatur, deinde fundum, similis est ei, qui partem fundi stipulatur, deinde totum: quia fundus dari non intelligitur, si vsumfructus detrahatur. Et è contrario qui fundum stipulatus est, deinde vsumfructum, similis est ei, qui totum stipulatur, deinde partem. Sed qui actum stipulatur deinde iter, posteriore stipulatione nihil agit: sicuti qui decem, deinde quinque stipulatur, nihil agit. Item si quis fructum, deinde vsum stipulatus fuerit, nihil agit: nisi in omnibus nouandi animo hoc facere specialiter expresse- rit: tunc enim priore obligatione expirante ex secunda introducitur petitio: & tam iter, quam vsum nec non quinque exigere possunt.

## S V M M A R I V M.

- 1 Stipulatio continens plus nouat primam, quæ continet minus secundum communem, secus è contra.
- 2 Qui bis idem stipulatur non nisi semel agere potest.
- 3 Inuenta sunt stipulationes, vt vnusquisq; agat quod sua interest.
- 4 Nunquam minus transfunditur in plus.
- 5 Agitur de intellectu. l. fina. C. de nouationibus.
- 6 Circa materiam nouationum tria tempora considerauit communis.
- 7 Nunquam veteri iure fiebat nouatio nisi ageretur.
- 8 Desiderat Iustinianus vt nouatio fiat, vt id exprimatur.
- 9 Mos fuit Triboniani ex Iustiniano in ff. addere.
- 10 Vbi fideiussor accipitur in secunda stipulatione valet secunda, etsi minus contineat.
- 11 Licet secunda stipulatione continente minus inseratur noua persona nihil agitur.
- 12 Referuntur fundamenta communis estimantis in prima parte nostri text. secunda stipulatione nouari primam.
- 13 Adducuntur motiua contra communem & defenditur nõ fieri nouationem in prima parte nostri textus.
- 14 Dictio, sed, aduersatur i iure & in facto.
- 15 Refertur sententia Irneri circa. versi. sed qui actum.
- 16 Refertur communis interpretatio & altera Cumani, & vtraque reijcitur.
- 17 Assignatur verus intellectus ex mente Christophori de Castclion ad versi. sed qui actum.
- 18 Quod est simile non est idem.
- 19 Inquiritur vtrum vsumfructus sit pars dominiij vel ius rei, & pro vtraque parte proponuntur argumenta.
- 20 Refertur sententia Bartoli, hic dicentis vsumfructum esse partem dominiij integrale, & declaratur quid totum integrale,



grale, totum vniuersale, pars integralis,  
pars subiectiua.

21 Excluditur Bartoli sententia.

22 Vsumfructus est duplex alter causalis al-  
ter formalis secundum communem.

23 Verius est vnum esse vsumfructum.

24 Refertur interpretatio Vigli & refelli-  
tur.

25 Proponitur noua resolutio huius que-  
stionis.

**D**IVIDITVR in tres partes.

In prima quę est in principio  
disputat Iulianus an secunda stipula-  
tio continens plus nouet primum  
quę minus continet: de quo con-  
stituit vnum exemplum. In secun-  
da parte quę est in versic. ę contra-  
rio disputat, quid ę contra, vbi stipu-  
latio, prima continet plus secunda  
minus. Vtrum qui sic secundo stipu-  
latur agat aliqd, quod quatuor exē-  
plis propositis prosequitur. In vlti-  
ma parte, quę est in versic. nisi, addu-  
cit limitationē. Factum planum est,  
ex quo cōmuniter scribentes ita cōl-  
ligunt. Sequens stipulatio amplius  
quam prima cōtinens valet: at si mi-  
nus non valet, nisi nouationis causa  
facta sit. Credūt enim communiter  
omnes in prima nostri textus parte  
primam stipulationem continētē  
minus transfundi in secundam quę  
continet plus, & per eam nouari, id  
tamen cessare vbi prima plus conti-  
net secunda minus. Ratio secundę  
partis nostri text. aperta est colligi-  
tur enim ex. l. qui bis supra hoc titu-  
lo. Sicut enim qui bis idem stipula-  
tur non nisi semel agere debet cum  
sequens nulla sit, ita qui minus stipu-  
latur nihil agit, sed experiri debet ex  
prima quę continet plus cum in eo  
quod est plus insit & quod est mi-  
nus. Dignoscitur autem ex regula iu-  
ris stipulantem in secunda stipula-

tionem minus, quam in prima fuerat  
deductū nihil agere. Inuentę enim  
sunt stipulationes, vt vnusquisque  
quod sua interest agat. l. stipulatio  
ista. §. alteri supra cod. §. alteri. In-  
stit. de inutilibus. sed sic est, quod  
is, qui secundo stipulatur minus de-  
ducens in secunda obligatione quā  
in prima deduxerat non interest sua  
sic stipulari, ergo rectē concludit Iu-  
lianus hic eum nihil agere. Condu-  
cit ratio Baldi. l. rescriptum. §. si pa-  
cto. nu. fin. ff. de pactis, docentis plus  
nunquam transfundi in minus. l. cū  
quęstio. C. de leg. Ergo si primo sti-  
pulator plus deinde in secunda minus  
non nouabitur, prima sed verius est  
me nihil agere. Propositę tamē diffi-  
cultati obest. l. fin. de nouat. C. iun-  
cto. §. præterea. quib. mod. to. ob. in  
quibus iuribus Iustinian⁹ refert per  
additionem, vel deductionem sum-  
mę factam in secunda stipulatione  
contigisse veteri iure nouationem:  
ergo si stipulator in prima plus in se-  
cunda minus nouare videor. Conse-  
quentia probatur: quia dum minus  
stipulator detraho primę stipulationi:  
& ita nouo, quod Iulian⁹ hic negat,  
docēs ex posteriore stipulatione ni-  
hil agi. Difficultate proposita inter-  
pretes superati responderet circa ma-  
teriam nouationū tria tempora con-  
sideranda fore, ius antiquissimū an-  
te ius Digestorum, secundum tem-  
pus de Digestorum iure, tertium de  
tempore Iustiniani. Referunt ipsi Iu-  
stiniani verba in. d. l. fin. referentia ve-  
teri iure fieri nouationem per addi-  
tionem, vel per deductionem sum-  
mę ad ius antiquissimum Digesto-  
rum: nam iure nostrę. l. ita demum  
nouationē fieri fatentur, vbi aliquid  
additur primę stipulationi, secus au-  
tem vbi detrahitur. Ita propositam  
difficultatem cōmunis soluit Accur-  
tius



sius in d. §. præterea: quem Bart. Angel. Imola, hic idem Bart. Imola Angel. sequuntur in l. pen. infra, de præst. stip. quos sequitur Ialo hic nu. 8. Socinus nu. 5. Alexander nu. 9. communem testatur Alciat. hic num. 2. Sed hæc communis interpretatio placere mihi nulla ratione potest: tum, quia distinctio propositi iuris non probatur: tum, quia Digestorum iure verius est nec per additionem, seu deductionem summæ factam in secunda stipulatione fieri nouationem. Ita Vlpianus in l. scire debemus. supra hoc titulum. Scire debemus in stipulationibus tot esse stipulationes, quot species sunt, secundum quod euenit mixta una summa, vel specie, quæ non fuit in præcedente stipulatione, non fit nouatio, sed efficitur duas esse stipulationes. Hactenus Vlpianus. Nescio sanè, quibus clarioribus verbis ostendere potuit Vlpianus Digestorum iure non fieri nouationem per additionem summæ. Qua ergo de causa communis oppressa difficultate. d. l. si. & dicti §. præterea. prædictam constituit temporum differentiam? Ego si non reiecta interpretatione communi facile esse existimo difficultatem componere. Igitur præsupponendum est, neque per additionem, seu deductionem summæ, fieri potuisse verè iure nouationem: nam eo iure nouari aliqua obligatio potuit, nisi id ageretur. Vlpianus lib. 44. ad Sabinum. Omnes res transire in nouationem possunt: quodcunque enim, siue verbis contractum est, siue non verbis nouari potest & transire in verborum obligationem ex quacunque obligatione dummodo sciamus nouationem ita demum fieri, si hoc agatur ut nouetur obligatio: ceterum si non hoc agatur duæ erunt obligationes. Sed & idem lib. 46. ad Sabinum.

Si ita fuero stipulatus, Quanto minus à Titio debitore exegissem tantum si derubas, non fit nouatio: quia non id agitur ut nouetur. Idem etiam colligitur ex l. si vnus. §. pactus ne peteret. ff. de pactis. Consequens ergo fit non fieri nouationem, nisi ubi id actum est, solamque summam de deductionem, seu additionem factam in secunda stipulatione vllotempore obligationem nouasse. Sed Iustiniani constitutio in d. l. si. & in d. §. præterea referens iure antiquo prædictam fieri nouationem intelligenda est, seruatis regulis nouationum, nimirum per additionem, vel per deductionem summæ factam in secunda stipulatione: ita demum nouationem fieri, si id ageretur, quod necessario Iustinianus præsupposuit: nam alias seruatis regulis nouationum duæ sunt obligationes. Cum igitur in text. nostro, id actum non esset per secundam stipulationem continetam minus, non fuit nouatum. Quam interpretationem vel digito demonstrat versiculus, nisi, nostri text. Nam ubi Iulianus pro constanti habuit, quod ubi quis stipulatur fundum deinde vsum fructum, actum, mox iter, decem, postea quinque, vsum fructum, deinde vsum nihil agi, subdit illico in versic. nisi. Nisi in omnibus speciebus nouandi animo hoc facere specialiter exprefferit. Quibus verbis Iulianus ostendit superioribus exemplis conceptam stipulationem fuisse, non animo nouandi, quo pacto diluitur superior difficultas.

8 Iustinianus tamen sua constitutione noua ut nouatio fieret amplius desiderauit. d. l. si. & d. §. præterea. nempe, ut id à contrahentibus exprimeretur: quod si expressio non fiat, licet id agatur, nouatio non sequitur. Quia constitutione. l. nostra corrigitur: nam

A 3 eius



eius tempore id agi sufficiebat: post  
Iustiniani tamē tempora expressio  
necessaria est: quod omnes hic adno-  
tarunt, maximē Cuiacius in fine. Ne-  
que inficit veram hanc. resolutio-  
nem verlic. nisi, nostri textus ibi. Ni-  
si in omnibus his speciebus id face-  
re specialiter expreſſerit: quibus ver-  
bis ostendi videtur id exprimi esse  
necessarium. Quod si tempore no-  
stræ legis expressio necessaria fuit,  
nihil noui Iustinianus constituit. d.  
l. fin. & d. §. præterea. Verē enim re-  
soluendum est tempore nostræ le-  
gis id non desiderari: sed illa verba  
specialiter expreſſit Tribonianus  
9 ex Iustiniano addidit. mos enim Tri-  
boniani fuit. novas Iustiniani deci-  
siones in Pandectis præfigere in. l. 2.  
ff. de iniusto ripto in. l. si rem ali-  
quam. in §. si duo. ff. de nouat. quod  
ante nos aduertit Cuiacius hic.

Ex superioribus infero stipulan-  
tem qui in secunda stipulatione, mi-  
nus quam in prima deduxerat nihil  
agere. Quod sic intelligi oportet ni-  
10 si rei deductæ in obligationem vel  
partis fideiussorem accepero: nam  
tunc fideiussio valet. l. si à reo. §. si  
reo. ff. de fideiussoribus. Et est ra-  
tio, quia dum fideiussorem accipio  
habere illum interest mea, & sic ali-  
quid ago: quod cessat in casu nostri  
textus l. si pupillus. §. fina. ff. de no-  
uat. Etiam si in secunda stipulatione  
11 noua inferatur persona. l. cum qui. §.  
pen. supra eodem.

Ex verſic. nihil agit nostri textus  
communis sententia interpretatur  
primam nostri text. partem, vt qui  
primo stipulatur minus, secūdo plus  
agat aliquid: & sic nouet secunda sti-  
pulatione primam itā vt ex prima agi  
12 non possit: sed ex secunda mouetur  
etiam communis ex relatione Iusti-  
nia. in. l. si. de nouat. & d. §. præterea.

Sed communem supra conuinci. ex  
d. l. scire debemus. supra hoc titulo.  
verius constituens nec per additio-  
nem summæ factam in secunda sti-  
pulatione nouari primā neq; per de-  
tractionē, errasseq; interpretes om-  
nes: hic dum crediderunt in prima  
nostri textus parte nouari primam  
obligationem per secundā quæ con-  
tinet plus, secus tamen ē contra. Mo-  
13 ueor contra communem in primis  
d. l. scire debemus. Secūdo moueor,  
quia nouatio non fit, nisi id agatur,  
vt probaui ex text. nostro: adde l. 2.  
l. 6. infra, de nouat. d. l. si vnus. §. pa-  
ctus ne peteret. ff. de pactis. Moueor  
l. si diuortio. supra eodem. vbi Pom-  
ponius lib. 5. decimo ad Sabinum. Si  
diuortio facto ea, quæ nihil in dote  
habebat dotis nomīnē centum dari  
stipuletur, vel quæ centum dunta-  
taxat habebat ducenta dotis nomine  
dari stipuletur, Proculus ait, si ducē-  
ta stipuletur, quæ centum habebat  
sine dubio centum quidem in obli-  
gationem venire, alia autem cētum  
actione de dote deberi. Hactenus  
Pomponius. Ecce vbi secunda sti-  
pulatione & obligatio, quæ cōtinet plus,  
non nouat primam, sed agitur ex  
vtraque ex prima actione de dote  
ex secunda actione ex stipulatu: igitur  
& in casu nostri textus duæ erūt  
obligationes. Moueor etiam. l. 4. §.  
si ex conventionē. ff. de rei iud. vbi se-  
cunda obligatio quæ plenior est, cū  
ratione eius magis sit. cautus credi-  
tor, quia additus fuit fideiussor, vel  
pignus, non nouat primū, sed vtraq;  
manet efficax. Moueor etiam doctri-  
na Bart. l. ita stipulatus prima oppo-  
sitione. nu. fi. infra eodem, docentis,  
quod si primo purē, secundo sub pœ-  
na stipulor, videlicet, Promitto tibi  
Stichum, deinde, si non dederō Sti-  
chum, promitto pœnā, vt puta, cen-  
tum,



rum, secunda stipulatio continens plus, quam prima non nouat primum. Igitur necessario dicendum est, in casu nostræ legis primam stipulationem continetam minus non nouari per secundam, sed duas esse obligationes distinctas, ex vtraque agi posse, tam ex prima, quam ex secunda: cum discrimine tamē. Nam si egero ex prima agam tantum ex secunda ad id, quod deest. Exemplū constituo. Stipulatus fui quinque, mox decem, ago ad quinque ex prima si postea egero ex secunda stipulatione, non ad decem agam, sed ad quinque, quæ desunt. Si tamen ex secunda egero non poterō ex prima agere, quia per secundam sublata fuit obligatio magis solutione, quam nouatione: quod ante nos aduertit Alciatus hic idem in d. l. si diuortio. & d. l. scire debemus. supra eodem. Neque obstant fundamenta communis, non secunda pars nostri text. in versic. nihil agit. quia non sequitur, ut malè deduxit communis. Qui stipulatur secundo plus, quam inerat in prima agit aliquid: ergo nouat. Consequentia non valet, Agit aliquid, quia interest sua stipulari, non tamē nouat, sed vtraque obligatione recte ager ut supra resoluiimus. Neque obstat Iustiniani relatio d. l. fin. & d. s. præterea: nam ita demum per additionem summæ iure veteri fiebat nouatio, si id ageretur, ex text. nostro & ex dict. l. 2. & 3. infra de nouat. quod tamen cessabit in casu nostræ. l. ut supra probauimus.

14 In text. ibi, sed qui actum, cum dictio, sed, natura sua & in iure & in facto aduersari soleat. l. patris & filij. ff. de vulga. & pupil. sub st. l. sed & si lege. ff. de petitio. hæred. vbi notant omnes: latè Barto. in l. hoc amplius. S. de his autem. ff. de damno infect.

Mirum est, quod hic adiecta sit: videtur enim Iulianus innuere diuersum ius constituendū fore, vbi quis fundum stipulatur, deinde vsumfructum, & vbi actum, mox iter, cum tamen vtroque casu minus deductū sit in secunda stipulatione, quam in prima. Ità fundi appellatione venit vsumfructus. l. eum qui. S. pen. supra eodem. l. si alij. de vsumfructu legato, sicut iter sub actū. l. i. de seruit. rusticorū. in princ. Instit. eod. Irnerius fatetur in cōtextu scriptum habuisse. sedet, vnde propter vim coniunctæ credit ipse aduersariū, sed aduersari in facto non in iure, ut post Accurs. omnes notarunt. d. l. sed et si lege. inquam sententiam Alciatus hic transit. Fides tamen Pandectarū Florentinarū & nostrorū Codicum interpretatōne hanc non patitur Accurs. hic verb. sed, existimant dictionem, sed, in iure & in facto aduersari, referendam tamen nō fore ad versiculum supra proximum, & immediatum, sed ad principium textus ita ut aliud sit stipulari actū, mox iter, aliud vsumfructū, deinde fundum. Sed hæc interpretatio, licet communis sit, ut Iaso hic refert nu. 8. non tamen placet. quia ea retenta aduersatio ad remota fiat nō ad versic. immediate proximū, & qui præcessit: præterea fit ad primum casum nō ad secundum qui præcessit. Vnde Cumanus hic existimauit aduersariū, sed: propriè stare & in iure, & in facto versic. è cōtrario proximo, & immediate cōtrariari. Fatetur enim valere stipulationē, vbi quis primo fundum, deinde vsumfructū stipulatur, si de formali vsumfructu agat, qui separat est à proprietate. l. rectè dicimus. ff. de verb. sign. l. planè. i. in fin. ff. de legat. i. cuius sententiæ & illorū interpretatio accedit, qui cēserunt vsum-

A 4 fru-



fructum fundi partem non esse d. l. rectè dicimus, & ideo secunda stipulatione, minus cōtinente fieri nouationem cū id diuersitas rei inducat. At iter iuris interpretatione sub actu inest, sicuti sub decem quinq;, sub fructu vsus: & idcirco in his nouatio non fit. Sed hæc Cumanī interpretatio prorsus falsa est: neq; enim magis à fundo diuisa est vsusfructus seruitus, quam ab actu seruitus itineris. l. pupillus. §. si. ff. de nouat. Et eadem ratione secunda stipulatio itineris valere debuit, cū iter sit separata seruitus ab actu. d. l. si pupillus.

17 d. §. si. in quo omnes conueniunt cōtra Cumanum. Ego tamē pro huius versiculi intelligētia existimo dictionem, Sed, hic non stare aduersariū, sed continuariū, vt Iulianus syllogismus efficiat, omittens tanquā certam conclusionem in verbo, sed qui actum, proponitur minor maioris propositæ in versic. cōtrario. Et syllogismus talis est, Qui stipulatur totum deinde partem, nihil agit: sed qui stipulatur actum, deinde iter stipulatur totum deinde partem: ergo nihil agit. Mos enim arguetium est, vt proposita maiore & minore conclusionem omittant alijs inferendā: veluti, Omnis homo disputat: sed Petrus est homo: ergo omnis homo currit: sed Petrus est homo: ergo omnes scholastici audiūt: sed Petrus est scholasticus: ergo. In quibus exemplis dictio, Sed, non aduersatur, sed cōtinuat. Quam interpretationē ad tex. nostrum ante nos aduertit Christophorus de Castilion subtilitātū Princeps, quem Iason & Aleiat. hic referunt, licet ex quo oppositoribus nostris alter credens me cæcum illū sibi subscribat.

18 In tex. ibi, similis est illi. Cum simile non dicatur idem in. l. quod Nerva.

ff. de positi. dū Iulianus ait, quod is, qui stipulatur vsusfructum deinde fundum similis est illi, qui partē stipulatur, deinde totum, significare videtur, vsusfructum non esse domini partē. Quæ sententia difficillima est & contra tex. l. in veditioe. ff. de bon. auct. iud. poss. Caius. In veditioe bonorū etiam vsusfructus venit, quia appellatiōe dñij vsusfructuarius quoq; cōtinetur. Quibus verbis Caius docet obtinere vsusfructū vim portionis nō sapere seruitutis naturam. Ad stipulatur pro hac sentētia l. cū filius. §. dñs. ff. de leg. 2. ibi. Licet diuersum sit in cæteris prædiorū seruitutibus, quas hæres habuit, quia vsusfructus portionis instar obtinet. Et hæc sentētia iuuatur etiā. l. 4. ff. de vsufr. ibi. Vsusfructus in multis casib; pars dñij est cōducit. l. quoties. §. si. de hæredi. instit. Quæ iura apertè probant vsusfructum esse domini partem.

Ex altero tamē latere quod vsusfructus sapiat seruitutis naturā non sit ius rei. text. est in. l. rectè dicimus. ff. de verb. sig. Paulus. Rectè dicimus, eum fundū totum esse nostrū, cuius vsusfructus alienus est, qm vsusfructus non dñij pars, sed seruitutis est, sicuti via & iter, nec falso dicitur meū esse, cuius nō potest pars altera esse alterius. Ergo vsusfructus seruitus est. l. de seruit. quod si seruitus nō est pars rei, sed accedit rei. l. quid aliud de verb. sig. Quod non obscuris verbis Iustinianus ostendit. §. seruus etiam alienus. de hæri. instit. vbi seruus alienus dicitur, in quo testator vsusfructum habet, si alter proprietarius sit, in tantum, quod hæres institutus domino proprietatis acquirit, nō vsusfructuario in. l. per seruum. de vsu & habitatione. §. ex his. Inst. per quas pers. no. acq. Facit pro hac sententia Iustiniani principium in rub.



in rub. Instit. de usufructu ibi. Est ius  
utendi fruendiq; rebus alienis, salua  
rerum substantia. Verbum autem,  
alienis, in definitione positum facile  
indicat alium dominum, alium usu-  
fructuariu. Sed & idem Iustinianus  
in. §. si cui fundus. docet vsum fructu  
in petitione seruitutis obtinere lo-  
cu. Quibus fundamentis pro vtraq;  
parte propositis, si qua in toto cor-  
pore iuris anceps & dubia reperitur  
quaestio praesens est, in qua compo-  
nenda mirum est qualiter laborent  
interpretes. Distrahitur Accursius  
in. d. l. recte dicimus. & in. d. l. 4. in in-  
terpretationes varias, inter quas ea  
20 receptior est, quam Barto. approba-  
uit hic nu. 2. idem Barto. in rubri. C.  
de usufr. vbi Alex. num. 2. Paulus in  
l. si quis vi. §. differentia. nu. 3. ff. de ac-  
quir. poss. & las. in. l. 1. §. usufructua-  
rius. ff. de noui oper. nunt. nimirum  
quod dicatur usufructus pars inte-  
gralis ipsius fundi, cum ipse cum pro-  
prietate conficiat dominium plenu.  
Sicut enim manus dicitur pars inte-  
gralis hominis, quia cum alijs parti-  
bus componit hominem: sic dicunt  
ipsi vsum fructum esse dominij par-  
tem. In quo sensu accipiunt dict. l.  
4. & ceteras adductas in confirma-  
tionem ipsius. Non tamen dicitur  
usufructus pars praedicamentalis,  
seu pars subiectiua, sicuti homo, qui  
est pars subiectiua & praedicamenta-  
lis animalis. Quae Accursij interpre-  
tatio, vt patet, quia sapit dialecticam  
multum & egreditur iuris nostri ter-  
minos, cum Bartol. hic vltra omnes  
interpretes hanc sic interpretor. Igi-  
tur in primis sciendum est, aliud esse  
totum integrale, aliud totum vniuer-  
sale, alia pars subiectiua, alia pars pra-  
edicamentalis. Dicitur totum integra-  
le secundum Bartol. & dialecticos  
quod ex suis partibus consistit, velu

crf  
tj domus quae appellatur totu quod  
dam integrale, quia ex suis partibus  
integre conflata est, extignis lapidi-  
bus, camentis. Aliud est totum vni-  
uersale, sicuti genus, quia de suis spe-  
ciebus praedicatur: & haec dicuntur  
partes subiectiuae, quia ille subijciun-  
tur & de quibus genus in eo quod  
quid praedicat: veluti homo & bru-  
tu. Vt si quis dicat, homo est, illico  
sequitur, animal est, brutu est, ergo  
aial est: & est impossibile esse gen<sup>o</sup>,  
quin habeat species: & e contra im-  
possibile est esse species, quin respi-  
ciat genus. Quod secus est in toto in-  
tegrali: quia potest esse homo absq; ma-  
nu, & erit homo: dom<sup>o</sup> absq; altero  
lapide, & adhuc erit integrale totu.

Rursus pro perfecta Bart. cogni-  
tione hic obseruandu est, duplex esse  
dominiu. Aliud plenum & in gene-  
re: veluti, qui habet fundu cum pro-  
prietate & usufructu dicitur habere  
dominiu plenu, quia ei nihil deest,  
de quo agitur in tit. de acq. rer. dom.  
Aliud veru est dñiu no totale, veluti  
pprietas & usufructus: quomodo  
usufructuarius dicit dñs. Solent naq;  
qui in re aliquod habent dicere,  
Ego habeo dñiu illius rei. l. qui v-  
sum fructu. ff. si pars usufr. pet. late  
Bart. hic. Quibus suppositis sit regu-  
la, Si primo modo sumat dñiu, usu-  
fructuari<sup>o</sup> dñs no est: si tñ secundo di-  
citur usufructuari<sup>o</sup> dñs, quia usufru-  
ctus cu proprietate coponit plenu  
dñiu, no sicuti pars praedicamentalis,  
veluti homo, equ<sup>o</sup>, bos respectu ani-  
malis, sed sicuti pars integralis: na si  
separet aliqua no erit dñiu plenu.  
Ex quo interpretes inferunt, vsum fru-  
ctu esse dñij parte integrale, no sub-  
iectiua. Haec cois omniu Doctoru,  
qua ex glossis desumunt interpreta-  
tio nec diffiteri pot, quin distinctio  
21 ista licet dialectica sit, i se tñ veritate



non contineat. Ceterum non est de mente Consultorum in iuribus præallegatis, ut expendit Viglius in §. Ieruus etiam. Instit. de hæred. instit. Pinellus in l. prima. C. de bonis matern. 3. part. numero primo. ante quos eam reiecit Fulgositus dict. l. 4. quia secundum eam cum usufructus ex natura sua sit pars integralis semper esset, quod tamen negat Consultus dict. l. 4. ibi. In multis casibus pars domini est. Ergo aperte convincitur non eam mentem Consulti fuisse, appellare usufructum partem integram.

22 Aliter intelligebat Bartol. in l. in conditio. ff. de bonis aucto. iud. poss. Nam cum Consultus ibi dicat usufructuarium contineri appellatione domini, ex ea ratione, quia omnis ille, qui habet ius aliquod in re, solet dici dominus, licet in rei veritate non sit ratione iuris quod habet in re, infert Bartol. usufructuarium dici dominum ratione iuris quod habet in usufructu. Quam Bartoli sententiam defendit Iaso dict. l. prima. §. usufructuarius num. 2. ff. de noui oper. nuntiatione. Alexan. in l. naturaliter. §. nihil commune. num. 6. supra. de acquirend. posses. Sed hæc interpretatio minus placet: nam, licet in se vera sit, non tamen iurium prædictorum tollit difficultatem, cum dict. l. 4. dicat in multis casibus usufructum esse partem domini. Et tamen, si usufructuarius ratione iuris competentis diceretur dominus non in multis casibus sed in omnibus id esset. Patet ergo non eam mentem Consulti fuisse in d. l. 4.

23 Minus etiam placet communis interpretationis de qua in dict. l. recte dicimus, intelligens. l. recte dicimus, cum suis concordantibus de usufructu formali, qui quidem cum per se

subsistat, pars non est, sed subit potius naturam totius, at vero d. l. 4. cum similibus, de usufructu causali. In cuius gratiam scire oportet, secundum receptam sententiam duplicem esse usufructum alterum causalem, qui coniunctus est cum proprietate, alterum vero formalem, qui separatus est à proprietate. Ita gloss. dict. l. recte dicimus. Eadem gloss. in l. si cum testamento. §. penul. versiculus. usufructum. ff. de exceptione rei iudic. gloss. 1. in l. si cum. argum. 81. ff. de iure dotium. gloss. secunda. in fine. Instit. de usufruct. eadem in l. si ita stipulatus 126. §. primo. ff. de verbor. quas omnes sequitur Bartolus in l. unica. numer. 4. de conditione, ex lege Maranta in repetitione. l. is potest. numer. 212. ff. de acquirenda hæreditate. testatur communem Corasius libr. 5. miscellaneorum. cap. 3. Pro qua sententia & distinctione communi urgent duo iura, primo urget textus in l. si cum testamento. §. penultimo: de exceptione rei iudicata, quo loco si fundum petij reuendicatione à te & in lite succubui, si ex post facto ex eadem causa petiero, usufructum, scilicet, quia meus est, protinus succumbam, & contra me obitabit exceptio: is nanque, qui proprietatem habet suum usufructum vindicare non potest. Quæ verba necessario intelligi oportet de usufructu causali, non autem de formali. Subdit nanque Consultus illico, sed si usufructum cum meus esset, hoc est, ex eadem causa vendicaui, & succubui, deinde proprietatem nactus iterum de usufructu experiar. Quæ verba necessario intelligenda sunt de usufructu formali ibi. Usufructum ex eiusdem fundi optem, & ibi. Iterum de usufructu experiar. Igitur necessario dicen-



dicendum est duplicem esse vsum-  
fructum, alterum causalem, alte-  
rum formalem. Comprobatur hæc  
communis assertio ex. l. si ita stipu-  
latus. 126. §. primo. infra hoc titulo  
ibi. Minus est in stipulatione vsum-  
fructus, quem per se quis promisit,  
quam in eo, qui proprietatem comi-  
tatur. Quo præsupposito dicunt  
ipsi, quod vsumfructus formalis, qui  
separatus est à proprietate, non est  
pars fundi: vsumfructus tamen cau-  
salis, qui coniunctus & consolida-  
tus cum ipsa proprietate pars fundi  
sit: quam sententiam communem  
testatur Rebuffus dict. l. rectè dici-  
mus. de verb. signifi.

Sed certè hæc interpretatio placere  
24 nullo modo potest. Verius nanque  
existimo vnicum tantum in iure da-  
ri vsumfructum, qui quidem sepa-  
ratus est à proprietate quem Doct.  
dicunt formalem: hæc enim voca-  
bula Cōsultorū non sunt, sed voces  
has per manus iuris interpretes no-  
bis tradiderunt. Quam sententiam  
defendit Rebuffus dict. l. rectè dici-  
mus. defendit Duarenus dict. l. si ita  
stipulatus. dict. §. primo. Corrasius  
libr. 5. miscel. cap. 3. sentit Bart. dict.  
l. is potest. nume. 3. Facit pro hac sen-  
tentia contra communem. l. si tibi.  
§. fina. ff. quibus mod. vsumfru. amit.  
Vbilegavit Titius si navis ex Asia  
veniret Mæzio nudam propieta-  
tem, mihi autem vsumfructum pu-  
re. Ego vsumfructuarius ab hærede  
pendente conditione emi dictum  
fundum: quo factum fuit, vt per  
consolidationem vsumfructum ami-  
serim, postea celsit conditio. Dubi-  
tatum fuit apud Iulianum, an Mæ-  
zuius habiturus sit totum fundum  
cum vsumfructu, an verò nudam pro-  
prietatem, quæ sibi tantum erat le-  
gata? Cui dubitationi responderet Iu-

lianus, quod Titius pleno iure fun-  
dum habebit: neque enim interest,  
quod detracto vsumfructu, proprie-  
tas legata sit: nam vsumfructuarius  
cum proprietate acquisiuit ius om-  
ne legati vsumfructus amisit. Si igitur  
secuta proprietate omne ius v-  
sumfructus extinguitur, euidenter  
constat apud proprietarium ius v-  
sumfructus nō residere: dictio nanq;  
omne, in vniuersum distribuit. §. cū  
autem. versicul. ex indulgentia. quib-  
us mod. ius. pa. po. sol. Patet ergo  
proprietarium non habere vsum-  
fructum, & ita non dari vsumfru-  
ctum causalem. Pro qua sententia  
facit, vsumfructum esse ius vtendi  
fruendique, salua rerum substan-  
tia. Ergo cum dominus vtitur re  
sua non habet vsumfructum, qui  
proprie dicitur de re aliena: maxi-  
mè cum vsumfructus seruitus sit. l.  
prima. ff. de seruitutibus. l. prima. §.  
vsumfructus. ff. ad legem Falcidiam:  
Et rei propriæ non datur seruitus. l.  
vti frui. ff. si vsumfructus petatur. l.  
in re communi. ff. de seruitut. vrba.  
præd. quia res propria nemini ser-  
uit, sed ea vtitur dominus iure do-  
minij: apertè enim constat quod is  
qui habet proprietatem non habet  
vsumfructum. Vnde infero pro-  
prie, & strictè non dari vsumfru-  
ctum causalem: ad quod maximè  
conducit. l. quod nostrum. ff. de re-  
gulis iuris. dum Consultus asserit  
non posse cedere vsumfructum is,  
qui nullum habet, ex eo nanque  
quod separatus, erat penes tertium,  
proprietas verò nuda, Consultus  
inquit proprietarium non habere  
vsumfructum, & sic illum non pos-  
se cedere. Patet ergo non dari vsum-  
fructum causalem.

Rursus iuuatur hæc interpretatio  
ex. l. cum in fundum. versicul. ma-  
ritus.



ritus. ff. de iure dotium. ubi qui habet fundi nudam proprietatem in dote recepit ab vxore vsumfructum. Consultus docet maritum vsumfructum non habere, sed suo fundo vti: ergo non est vsumfructus causalis. Nec mouent argumenta in contrarium adducta. Non l. si ita stipulatus fuero. §. si Titio. in versicul. in eo vsumfructu. Nam, si bene Pauli mens inspicitur non est multiplicare vsumfructum, sed constituere differentiam inter vsumfructum procedentem & venientem ex stipulatione. Eo enim ipso, quo quis fundum promittit, vi illius promissionis continetur vsumfructus: & hunc appellat Paulus proprietatem comitare, qui absque stipulatione noua venit in stipulationem, nisi expressè per promittentem detrahatur. l. quod si alij de vsumfructu legato. l. si tibi. ff. de vsumfructu accrescendo. Et inter eum vsumfructum, qui quidem non debetur ex ipsa proprietate, sed ex stipulatione particulari; veluti, si quis promittat fundum Cornelianum deducto vsumfructu, & mox promittat vsumfructum, tunc quippe ille vsumfructus ex particulari obligatione debetur, non verò comitatur proprietatem. Nam primo casu qui fundum promissit, si tradiderit vsumfructum, & hic admissus sit, non liberabitur, nisi efficiat pleno iure fundum ad creditorem pertinere. Secundo tamen in vsumfructu separatim promisso secus erit, quia tradendo illum liberatur, licet amittatur. Hæc mens Pauli in dicta. l. si stipulatus fuero. dicto. §. si Titio, quam insinuant illa verba, Dux fuerunt stipulationes, & minus est in eo vsumfructu, quem per se quis promissit, quam in eo, qui proprietatem comitatur. Ac si Consul-

tus diceret, interesse maximè, vtrum vsumfructus veniat in consequentia, an vero de per se.

Rursus dict. l. si cum testamento, quam adducit communis, nihil obstat: non enim ibi in. §. si fundum, Consultus agit mentionem de vsumfructu causalis, nec de vsumfructu formalis: sed longè diuersa mens est, nimirum constituendi differentiam, nunquid vsumfructus petatur ex eadem causa, qua actum est, vel ex diuersa. Et concessio, prout existimauit communis, quod duplex vsumfructus sit, alter causalis, alter formalis, adhuc ineptè asserunt, vsumfructum causalem esse dominij partem, & sic interpretandam fore dicta. l. 4. ff. de vsumfructu. Falluntur quippe & toto errant coelo. Nam, si dict. l. 4. intelligeretur de vsumfructu causalis, & sic ex ipsorum sententia pars esset dominij, semper esset, nec diceret ibi Consultus, In multis casibus,

25 Minus etiam placet arguta, & ingeniosa Vigli interpretatio asserentis vsumfructum appellari dominij partem in his rebus, in quibus fructus in perceptione consistunt, vt in fructibus agri, & foetu animalium, vt eo casu procedat dict. l. 4. non vero appelletur pars dominij, vbi fructus non consistit in perceptione veluti in vsumfructu ædium, & sic intelligenda veniat dict. l. rectè dicimus. cum similibus. nam dict. l. 4. & ceteræ quas supra adduximus vniuersaliter loquuntur, & sic non est quod eas Viglius restringat ad vsumfructum agri, potius quam ad vsumfructum ædium. Præterea, quia cum dict. l. rectè dicimus. negat vsumfructuarium esse dominum apertè loquitur de fundo, vt ex princ. dict. l. constat: & sic loquitur de vsumfructu rei, in qua datur perceptio.

In qua



In qua difficultate componenda, et si ingeniosus Viglius fateatur libere cum pati reprehensionem, dum tamen meliorem alter afferat solutionem, mihi tamen videtur questionem hanc, an usufructus sit pars rei, vel ius rei, altercatissimam fuisse inter Iureconsultos, alios vim portionis, alios vim servitutis obtinere in l. si à reo. §. si reo. ff. de fideiuss. d. l. recte dicimus. ibi, quod Iuliano placet, adhuc reo tamen sententiae illorum, quos sequitur Accursius in d. l. 4. asserendum, non esse dominij partem, sed servitutis naturam obtinere, sicuti via & iter. Non obest. d. l. 4. Nam Consultus non asserit usumfructum esse dominij partem, sed in multis casibus, hoc est, habere similitudinem cum dominio: quia multa competunt ex legis dispositione usufructuario, quae non, nisi vero domino competunt, ut tradit Iaso in l. 1. §. usufructuarius. nu. 2. ff. de novi operis nuntiatione. nam potest agere rei vindicatione quod dominis competit. l. officium. l. in rem actio. ff. de rei vindicatione. Rursus, si aliquis debitor sit eiusque bona vendantur, si is habeat in alieno fundo usufructum, similiter veniat in venditione bonorum, ac si esset portio, cum res aestimabilis sit. d. l. in venditione. ff. de bonis aucto. iud. poss. praeterea, si usufructus sit soli & vicina domus minetur ruinam, cauebitur usufructuario de damno infe-

cto in l. qui bona. §. qui superficiarium. ff. de damno infecto. Praeterea fideiussor obligatur pro usufructu, ac si in partem fideiussisset, in l. si à reo. §. si reo. ff. de fideiussorib. quam interpretationem sequitur Pinellus ultra glo. in d. l. 4. in l. 1. 3. part. nu. 4. C. de bon. mat. Alciatus in l. recte dicimus. nu. 7. Bald. & Fulgo. in d. l. 4. & eandem sententiam in effectu sequitur Rebuffus, nec refragatur contra hanc sententiam. d. l. 4. utitur enim verbo est, quod substantiam & existentiam magis, quam similitudinem significat, refert Bald. in l. quae fortuitis. C. de pign. actione. Iaso in l. servi electione, §. 1. l. cetera. §. item quaeri potest. ff. de legat. 1. glo. magistra. in l. mercis appellatione. ff. de verb. signific. Nam respondendum est secundum materiam subiectam distinguendum fore. Licet enim verbum, est, ex natura sua denotet existentiam, si tamen materia subiecta non patiatur, nisi similitudinem eam significabit, non formale dominium: plus enim Consultij respiciunt naturam & mentem, quam nomina. l. nominis. §. 1. de verb. signi. Quae mens Consulti euidenter, colligitur ex. d. l. cum filius. §. dominus. ff. de legat. 2. ubi Consultus asserit, usufructum instar portionis obtinere. Non ergo verè & propriè & secundum naturam erit pars dominij, sed quia habet similitudinem cum dominio.

F I N I S.



**Y**O el Doctor Martin de Busto Cathedratico de Decreto en esta Vniuersidad de Salamanca, por comission del Illustre Señor Licenciado Muñiz de Godoy Prouisor deste Obispado de Salamanca, he visto esta Lectura del Illustre Señor Doctor don Antonio de Peralta, y me parece tener mucha erudicion y doctrina, y ser digna de que se imprima. Y firme lo de mi nombre, en Salamanca a veynte y cinco dias del mes de Septiembre. 1 5 8 6.

El Doctor Martin  
de Busto.

**D**E nos el Licenciado Diego Muñiz de Godoy, Prouisor en todo el Obispado de Salamanca, por el Illustrissimo y Reuerendissimo Señor don Geronymo Manrique Obispo de Salamanca del consejo de su Magestad &c. Por la presente damos licencia a qualquier impressor de libros vezino de la ciudad de Salamanca, para q̄ pueda imprimir la ley, Qui vsumfructum, que de suõ va declarada, sin incurrir por ello en pena alguna, atento que fue vista y examinada por nuestra comission, por el Doctor Martin de Busto. Fecho en Salamanca a veynte y cinco de Septiembre 1 5 8 6.

El Licenciado  
Muñiz de Godoy.

Francisco de  
Barrientos.



+ colorchecker classic

+ calibrite



mm